

جریده علمیہ

مشیت جلیلہ اسلامیہ نمک جریدہ رسمیہ سید

جمادی الاخرہ ۱۳۳۷

عدد ۴۴

آیدہ بر نشر اول نور

در دہجی سنہ

دارالحکمة الاسلاميه نظامنامه سنك بشنجى ماده سنه توفيقاً و تعليماتنامه نك
اوتوز در دېنچى ماده سى موجبجه طشره انجمنلرى ايجور غلمه النسى
لازم كلن تعليماتنامه در

ماده (۱) — حقائق و معالى اسلاميه نك نشر و تعميمى و تربيه دينيه نك تقويه سى
خصوصنده دارالحکمة يه عائد وظائفك تطبيقانه واسطه اولقى اوزره طشره لزده مفتيلرك
رياستى التنده محلى مدرسلرندن و علماسندن مركب فيخرى برر انجمن تشكيل
اولنه جقدر .

ماده (۲) — انجمنلر دارالخلافه مدرسه سى تشكيلاتى بولان يرلرده مدرسه نظامنامه
تخصوصى موجبجه متشكل انجمن علمى طرفندن و تشكيلات علميه بولنميان يرلرده قاضى
ومفتى ايله اوقاف مدير و يامامورلرندن تشكيل ايدم جك بر هيئت طرفندن اوچدن دون
وطقوزدن افزون اولماق شرطيله انتخاب ايديله جك اعضادن تشكيل ايدم جكدر .

ماده (۳) — انجمنلر منتظماً هفته ده و لى الاقتضا دها زياده كونلرده مناسب
كورده جكلرى بر محله انعقاد ايدم جكلردر .

ماده (۴) — انجمن اعضاى مرتبه نك اكثريت مطلقه سيله انعقاد ايدم جك ومسئله نك
مذاكره سى رياسته كافي كوريلنجه در حال رايه قونيله رق اعضاى موجوده نك ثلثان
اكثريتيله قرار و يريله جكدر .

ماده (۵) — طشره انجمنلرى قصبات و قراده بولسان بالجه مسلمينك اعتقاد
واخلاق واعمالده كى مفاسد و نقائص ازاله ايله عقائدى تصحيحه اخلاقى اصلاحه اعمال
و حركاتى تنظيمه كال جديدت و ديانتله چاليشه جكلردر .

ماده (۶) — مفتى و انجمن اعضاى اهل دين اهل سنتك عقائد و اعمال و اخلاقه
مغاير اعتقاد و حركات كوردكلرى تقديرده بولرك ماهيتلريله اسباب و عواملنى اطرافيله
تدقيق و تحقيق ايدم رك نتيجه سنى مطالعه مخصوصه لريله بر لكدده مفصلاً دارالحکمة يه انبا
ايدم جكلردر .

ماده (۷) — مفتى و انجمن اعضا سى دارالحکمة نشرىاتى تعقيب ايدم رك خلقى

ضروریات دینیہ و معالیٰ اسلامیہ و مکارم اخلاقہ ترغیب ایچون موعظہ لر ایراد ایدہ جک فقط بو مواعظی قصبہ حصر ایتیوب اعالیٰ قرانیہ اماملری واسطہ سیلہ بو طرزده ارشاده اقدام ایدہ جک کردر.

ماده (۸) — مفتی وانجمن اعضای خلقك اوقات خمدہ جماعته مواظبتی تأمینہ صوك درجده اہتمام ایدہ جک و بوخصوصہ ہر درلو تنبیہات و ارشاداتدہ بولہ جقلردر.
ماده (۹) — مفتی وانجمن اعضای ارشادی مجرد وعظہ حصر ایتیوب مناسب جوامع شریفہ کتب فقہیہ و شفاء شریف و شمائل شریفہ کبی اخلاق محمدیہ بی تلقین ایدہ جک آثار مبارکہ تدریسہ اخلاق ناسی تہذیبہ برقات دہا اہمیت ویرہ جک کردر.

ماده (۱۰) — مفتی وانجمن اعضای ہرشدن اول زمان حاضرده انتشار ایدن منکراتك نہی و منفعہ غیرت ایدہ جک کردر.

ماده (۱۱) — مفتی وانجمن اعضای بالذات ویا بالواسطہ مدارس و مکاتبك تدریسات دینیہ سنی نظر مراقبہ دن دور طوتمیوب اولاد مسلمینك تربیہ دینیہ لرینك ترقیسنہ وعقیدہ لرینك مصون قلماسنہ اعتنا ایلہ جک کردر.

ماده (۱۲) — مفتی وانجمن اعضای قصبات و محلات و قرا اعالیٰ مسلمہ سنك امور دینیہ سنی ائمہ واسطہ سیلہ مراقبہ آئندہ بولندیرہ جقلردر.

ماده (۱۳) — مفتی وانجمن اعضای نشر دین و تئور مسلمین خصوصندہ محلی حکومتك نظر دقت و معاوضتی صورت حکیمانہ دہ جلب و اسباب مشروعہ ممکنہ نك عمومنہ توسل ایدہ جک و نتائج حاصلہ سنك درجاتی پیدر بی تحریر آ دارالحکمیہ بیلدیرہ جک کردر.

ماده (۱۴) — اشبو تعلیماتنامہ دہ مندرج وظائفك افاضی خصوصندہ مساعیٰ مشکورہ سی سبقت ایدہ جک ذواتك خدمات واقعہ لری جریدہ علمیہ نك لسان شکران و تحسینیلہ نشر ایدمك و کندیلرینہ مقام مشیختجہ رتب علمیہ اعطاسی ویا رتبہ لرینك ترقیعی ضمتندہ توسط اولفق اوزرہ اسملری دارالحکمہ الاسلامیہ بیلدیریلہ جک کردر.